

濟陰綱目

卷十一

卷十二

^{十一}產後門

胞衣不下

血暈

頭露不下

血崩不止

心痛

腹痛並小腹痛

脇脹痛

腰痛

頭痛

通身疼痛

腳氣十二

中風

發瘧

瘕瘕

拘攣

不語

狂言譫語

顛狂

驚悸

恍惚

濟陰綱目卷之十一

關中

武之望叔卿父輯著

武林

張志聰隱庵父訂正

西陵 汪

淇瞻漪子箋釋

天都

查

望于周父叅閱

○產後上

○論產後調理法

大全云凡生產畢飲熱童便一盞不得便卧宜閉目少坐須臾上
牀宜仰卧不宜側卧宜豎膝未可伸足高倚牀頭厚鋪褥遮圍
四壁使無孔隙免致賊風及以醋塗鼻或用醋炭及燒漆器更以
手從心掄至臍下使惡露不滯如此三日以防血暈血逆不問腹
痛不痛有病無病以童便和酒半盞溫服五七服酒雖行血亦不
可多恐引血入四肢且能昏暈宜頻食白粥少許一月之後宜食

喫緊語

告勸產切實
治法須執之

產後雖當大
補亦宜審惡

手肉猪蹄少許仍慎言語七情寒暑梳頭洗足以百日爲度若氣
血素弱者不計日月否則患手足腰腿痠痛等證名曰蓐勞最難
治療初產時不可問是男是女恐因言語而泄氣或以愛憎而動
氣皆能致病不可獨宿恐致虛驚不可問舌恐傷心氣不可刷牙
恐致血逆須血氣平復方可治事犯時微若秋毫成病重如山嶽
可不戒哉陳藏器云漬芎汁與產婦服之將芎蘇與產婦枕之止血暈產婦腹痛以芎安腹上則止○產婦將
息如法臟腑調和庶無諸疾苦須先服黑神散四物湯四順理中
丸七寶散若壯熱頭痛此乳脉將行用玉露散頭目不清是血暈
用清魂散粥食不美是胃氣虛用四順理中丸
○論產後六補血氣爲主
丹溪曰產後當大補血氣爲主雖有雜證以求治之○產後爲補虛

露有無內傷
外感虛實何
如庶爲合理
熱輕用淡滲
人所易忽却
最妙
法言

用參朮黃耆陳皮歸身尾川芎炙甘草如發熱輕則加茯苓淡滲
之其熱自除重則加乾薑○凡產後有病先固氣血○產後一切
病多是血虛皆不可發表○新產後不可用苦藥以其酸寒能伐
生發之氣故也○大抵胎前毋滯產後毋虛

○論產後服熱藥之誤

此論出局方
發揮其血病
治血以下尚
有寒者溫之
熱者清之疑
者行之虛者
補之血多者
止之五句似
不可少姑識
之以便採擇
丹溪曰或問新產之婦好血已虧汚血或留彼黑神散非要藥乎
答曰至哉坤元萬物資生理之常也初產之婦好血未必虧汚血
未必積臟腑未必寒何以藥爲飲食起居勤加調護何病之有誠
有汚血體怯而寒與之數帖亦自簡便或有他病當求病起何因
病在何經氣病治氣血病治血何用拘執此方例令服餌設有性
急者形瘦者本有怒火者夏月坐蓐者時在火令薑桔皆爲禁藥

生於將護之法尤爲悖理肉汁發陰經之火易成內傷之病先哲
具在訓戒胡爲以羊雞濃汁作糜而又常服當歸建中湯四順理
中丸雖是補劑並是偏熱臟腑無寒何處消受若夫兒之初生母
腹頓寬便啖鷄子且喫火鹽不思雞子難化火鹽發熱展轉生證
不知所因率爾用藥寧不誤人予每見產婦之無疾者必教之以
却去黑神散與夫雞子火鹽諸品肉食且與白粥將理間以此少
石首慈煮令甘澹食之半月後方與少肉若雞子亦須豁開澹煮
大能養胃却疾彼富貴之家驕恣之婦卒有白帶頭風氣痛膈築
痰逆口乾經事不調髮禿體熱等證皆是陽盛陰虛之病天生血
氣本自和平曰盛曰虛又烏知非此等謬妄有以兆之耶

○論新產三病

證此則知產
症亦有外來

不可專主氣

血不足而驟

用補劑反致

不救也

胃字必注

至言

不可服湯謂

不可服補氣

之劑故羊肉

湯亦俟塊散

後服

慎云

仲景云問新產婦人有三病一者病瘧二者病鬱胃三者大便難

何謂也斷曰新產血虛多汗出喜中風故令病瘧亡血復汗寒多

故令鬱胃亡津液胃燥故大便難

產婦鬱胃即今

○產後諸忌

千金云凡產後滿百日乃可會合不爾至死虛羸百疾滋長慎之

凡婦人患風氣臍下虛冷莫不由此早行房故也○產後七日內

惡血未盡不可服湯候臍下塊散乃進羊肉湯有痛甚切者不在

此例候兩三日消息可服澤蘭丸此至滿月丸藥盡為佳不爾虛

損不可平復也至極消瘦不可救者服五石澤蘭丸補之服法必

七日之外不得早服也○凡婦人因暑月產乳取涼太多得風冷

腹中積聚百疾競起迄至於死百方病不能差桃仁煎主之出蓐

後服之、婦人總令無病、每至秋冬須服一二劑、以至於年內常將服之佳。

○脉法

不調字并付
骨不絕字重
看

脉經云、診婦人生產之後、寸口脉洪疾不調者死、沉微附骨不絕者生。○婦人新生、乳子脉沉小滑者生、實大堅弦急者死。

丹溪曰、產前脉細小、產後脉洪大者多死。○又曰、產前脉當洪數。

既產而洪數如故者多主死。此亦大槩言之、今見產後豈無脉洪數而生者。

○胞衣不下

洪數中得胃
氣者亦生、堅
強者死、亦須
審原稟脉何
如乃當知

大全云、夫有產兒出、胞衣不落者、世謂之息胞。由產初時用力、比產兒出而體已疲憊、不復能用力、產胞經停之間而外冷乘之、則血道澁、故胞之不出、須急以方藥救治、不妨害於兒所、奈者胞繫

連見臍胞不出。卽不得以時斷臍。浴洗冷氣傷兒。則成病也。舊法胞衣不出。恐損兒者。依法截臍而已。產處須順四時方向。并避五行禁忌。若有觸犯。多令產婦難產。

郭稽中論曰。胎衣不下者。何。答曰。母生子訖。流血入衣中。衣爲血所脹。故不得下。治之稍緩。脹滿腹中。以次上衝心胸。疼痛喘急者。難治。但與奪命丹以逐去衣中之血。血散脹消。胎衣自下。牛膝湯亦效。

薛氏曰。有因惡露入衣。脹而不能出。有因元氣虧損。而不能送出。其惡露流衣中者。腹中脹痛。用奪命丹。或失笑散。以消瘀血。緩則不救。其元氣不能送者。腹中不脹痛。用保生無憂散。以補固元氣。

分別有餘不足

草麻子少驗

或用草麻子肉一兩。細研成膏。塗母右足心。衣下卽洗去。緩則腸

作嘔者爲借
力出也設不
能揮徒傷氣
血
此方最

亦出如腸不收仍用此膏塗腦頂則腸自收益母丸亦效
家人婦胎衣不落胸腹脹痛手不敢近此瘀血爲患用熱酒下失
笑散一劑惡露胎衣並下

一產婦胎衣不出腹不脹痛手按之痛稍緩此是氣虛而不能送
出用無憂散而下前證余詢諸穩婆云宜服益母草丸或就以產
婦頭髮入口作嘔胎衣自出其不出者必死授與前法甚効

一產婦產後面赤五心煩熱敗血入胞胞衣不下有冷汗思但去
其敗血其衣自下遂用黑豆二合炒透然後燒紅鐵秤錘同豆淬
酒將豆淋酒化下益母丹二九胞衣從血而出餘證盡平

奪命丹 治胞衣不下蓋兒之初生惡血流入衣中爲血所脹寒

故不得下須臾冲心逼心卽死急服此藥

此印稽中方
配服有神

黑附子

炮五錢

牡丹皮

一兩

乾漆

炒烟盡二錢五分

右爲細末用米醋一升大黃末一兩同煮成膏和前藥爲丸如桐子大每服五七丸溫酒下

奪命丸治胞衣不下並治胎死

牡丹皮

桃仁

茯苓

赤芍

桂心

各等分

右爲末蜜丸彈子大每一丸醋湯化下或葱白煎濃湯下尤妙連進兩丸死胎腐爛立出

牛膝湯

治胞衣不出臍腹堅脹急痛卽殺人服此藥胞卽爛下

死胎亦下

牛膝

瞿麥

各四兩

當歸尾

通草

各六兩

滑石

八兩

葵子

五兩

一方有桂心二兩

右細切以水九升煮取三升分三服

牛膝散 治胞衣不出腹中脹痛急服此藥腐化而下緩則不救

牛膝 川芎 朴硝 蒲黃各七錢半 當歸一兩 桂心五錢

右剉每服五錢加生薑三片生地黃一錢水煎服

加桂芩歸湯 有胎衣不下因產母元氣虛薄者以此溫之自下

至當之極妙 在官桂四錢

川芎 當歸各二錢 官桂四錢

右剉一服水煎服

黑龍丹 治難產及胞衣不下血迷血暈不省人事一切危急惡

證垂死者但灌藥得下無不全活

當歸 五靈脂 川芎 良薑 熟地黃各二兩剉碎入砂鍋

內紙筋搗泥 固濟火煎過 百草霜一兩 硫黃 乳香各二錢 琥珀

煨法丸法服 法俱奇妙

花薑石各一錢

石爲細末醋糊丸如彈子大每用一二丸炭火煨紅投入生薑自然汁浸碎以童便合酒調灌下

花薑石散 治產後敗血不盡血迷血暈胎死腹中胎衣不下至死心頭煖者急用一錢化下卽出其効如神

花薑石一觔 上色硫黃四兩各研細

右和勻先用紙泥封固瓦礫一箇入二藥仍封固陰乾如急用以火籠內炙乾用炭火煨赤去火次日取出研細每服一錢童便熱酒下

一方胞衣不出

牛膝一兩 葵子一合

右剉以水一升煮半升去渣分二服

千金備急丸

治產後惡血衝心胎衣不下腹中血塊

錦紋大黃一兩爲細末用醲醋半升同煎如膏丸如桐子大溫醋湯下五丸或七丸須臾惡下卽愈

胡氏法

治產後胞衣不下惟有花蘂石散一件最爲要緊若鄉

居藥局遠者倉卒無之今有一妙法產訖胞衣不下稍久則血流胞中爲血所脹上衝心胸喘急疼痛必致危篤若有此證宜急斷臍帶以少物繫帶必用力牢固繫之然後截斷使其子血脈不潮入胞中胞衣自當痿縮而下縱淹延數日亦不害人屢驗

治胞衣不下雜方

五靈脂爲細末。溫酒調下二錢。

一方取小麥合小豆煮濃汁飲之立出。

一方皂角刺燒爲末。溫酒調下一錢。

一方蛇退燒爲細末。酒下二錢。

一方黑豆一合炒熟入醋一盞煎三五沸去豆分三服酒煮亦可。

一方取竈內黃土一寸研細醋調勻納于臍中續煎甘草湯三四

合服之出。

一方罌三寸爲末酒服。

一方生地黃汁一升苦酒三合煖服之。

一方竈突墨三指撮許以水苦酒調服立出。

一方雞子一枚苦酒一合和飲之。

一方生男吞小豆七枚生女吞十四枚即出

一方浸葶水濃煮飲三碗立下

一方取產母鞋底炙熱慰大小腹上下二七次

一方取初洗兒湯服下一盞勿令產母知

一方蓀蓀實一個取子研細用酒童便各半盞相和煎至七分去

滓溫服如無實根亦可

一方紅花一兩酒煮濃汁服

一方以鹿角鋤爲屑研細三分煮葱白湯調下

一方凡欲產時必先脫常所着衣以籠竈胞衣自下仍易產

一方取夫單衣蓋井上立出

○血暈厥逆附

條訣用心
使力過多作
暈治法大都
以清心涼血
補益為主如
後保命集方
用童便或麥
門烏梅之類
皆可而薛氏
用神中益氣
者為勞力也
若用心則殊
妙或疑內有
黃連于產后
不宜則存乎
用者

醋解法收其

大全云產後血暈者由敗血流入肝經以致眼黑頭旋不能起坐
甚至昏悶不省人事謂之血暈以細酒調黑神散最佳若作暗風
中風治之誤矣血熱乘虛逆土奏心以致昏迷不省氣閉欲絕者
服童便最妙然其由有三有用心使力過多而暈者有下血過多
而暈者有下血少而暈者其暈雖同治之則異當審詳之下血多
而暈者昏而煩亂而已當以補血清心藥下血少而暈者乃惡露
不下上搶于心心下滿急神昏口噤絕不知人當以破血行血藥
古法云產婦分娩訖預將秤鏹或黃石子硬炭燒令通赤置器中
急于牀上以醋沃之得醋氣可除血暈產後一月內時作為妙崔
氏云凡暈者皆是虛熱血氣奔逆腹中空虛所致欲分娩者第一
須先取醋以塗口鼻仍置醋于傍使聞其氣兼細細飲之此為

神水解法清
其熱燒乾漆
者散其血迷
于上也俱妙

上法如覺暈卽以醋噴面甦來卽飲醋仍少與解之一云仍少與水解之一

法燒乾漆令烟濃熏產母面卽醒如無乾漆取舊漆器火燒烟熏亦妙

郭稽中曰產後血暈者何答曰產後血氣暴虛未得安靜血隨氣上迷亂心神故眼前生花極甚者令人悶絕不知人口噤神昏氣冷醫者不識呼爲暗風若作此治證必難愈但服清魂散卽省

薛氏曰產後元氣虧損惡露乘虛上攻眼花頭暈或心下滿悶神昏口噤或痰壅盛者急用失笑散主之若血下多而暈或神昏煩亂者大劑芩歸湯補之或芸臺子散或童子小便有痰加二陳湯若因勞心力而致者宜補中益氣湯加香附若因氣血虛極不省人事用清魂散惟以芩歸湯及大補氣血之劑凡產可用醋漆器熏或用半夏末冷水和丸入鼻孔中並無前患丹溪先生云血暈